

Dragi prijatelji/ce,

Predstavljamo vam **februarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **181** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).



Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

SADRŽAJ

Aktivnosti u februaru 2016.	2
Planovi za mart 2016.	4
Aktivnosti članova mreže	5
Novi članovi.....	21
Mladi pišu.....	22
Saopštenja / donatori / pozivi.....	24

AKTIVNOSTI ORC / HCA U FEBRUARU 2016.

✚ „Crew from the hood – Messages from the province“

Forum civilne akcije – FORCA Požega, Srbija je nosilac projekta „Crew from the hood“, čiji je glavni cilj razvoj kulture i kulturnih aktivnosti u malim sredinama koje ne posjeduju sredstva i mogućnosti za organizovanje međunarodnih kulturnih aktivnosti. Partneri u ovom projektu su NGO „Fenomeni“ Kolašin – Crna Gora i ORC Tuzla, BiH.



U okviru priprema za ovaj projekat, u periodu od 7. do 9. februara u Ježevici, Srbija, održan je sastanak partnera. Tokom sastanka su partneri u projektu radili na pripremi aktivnosti u projektu, izradi logičkog radnog okvira, budžeta i isplanirali aktivnosti za naredni period. Sastanku su ispred ORC Tuzla prisustvovali Slobodan Blagovčanin i Miralem Tursiović. Više informacija o projektnim aktivnostima u našim narednim biltenima i web stranici: www.omladina-bih.net

✚ Prekogranična građanska mreža za mir, pomirenje i sigurnost ljudi na Balkanu



Claim!

CITIZEN'S NETWORK FOR PEACE, RECONCILIATION AND HUMAN SECURITY

Projekat „*Prekogranične građanske mreže za mir, pomirenje i sigurnost ljudi na Balkanu*“ implementira Helsinški parlament građana Turska, zajedno sa partnerima: ADP ZID Crna Gora, SeConS Srbija, Institut za regionalne i internacionalne studije Bugarska, Centar za istraživanje, dokumentaciju i publikovanje Kosovo, Omladinski resursni centar Tuzla. Projekat je podržan od Evropske Unije.

Tokom mjeseca februara smo, zajedno sa istraživačkim timom iz PRONI-ja Brčko, završili aktivnosti na istraživanju „Aspekt ljudske sigurnosti mladih koji žive u kolektivnim centrima, ili „alternativnim smještajima“ u BiH. Rezultati istraživanja su u pripremi, i tokom marta ćemo ih publikovati na našim web stranicama, fb grupama i u tvrdj kopiji. Krajem marta u Tuzli planiramo održati i sastanak stakeholdera, na koji ćemo pozvati predstavnike relevantnih ministarstava iz FBiH, RS i Brčko Distrikta Bosne i Hercegovine, te predstavnike opštinskih/općinskih odjeljenja i predstavnike institucija koje se bave pitanjima raseljenih lica i izbjeglica. Više o ovome u narednim biltenima i na našoj web stranici.

Omladinska grupa ORC Tuzla

▶ AKTIVNOSTI GRUPE U FEBRUARU

Omladinska grupa Omladinskog resursnog centra Tuzla, kao i ranijih godina, tokom februara svoje aktivnosti svodi na minimum zbog obaveza prema formalnom obrazovanju. Tako je ovaj mjesec održan samo jedan sastanak članova Omladinske grupe, na kojem su se dogovarali o realizaciji turnira „Fudbal za sve“. Planirana implementacija turnira je 6. Marta i održaće se u fiskulturnoj sali Katoličkog školskog centra „Sveti Franjo“ sa početkom od 10h.

Članovi su ovom prigodom snimili i promotivni video kojim pozivaju sve građane da dođu i posjete ovu

<https://www.youtube.com/watch?v=ll5GfITgPNk>



manifestaciju:

FTV – „Hayd u park“



U prostorijama ORC Tuzla, 19. februara ugstili smo urednike i snimatelje emisije „Hayd u Park“, sa kojima smo razgovarali povodom izdavanja 200. Biltena Omladinske mreže BiH. Teme o kojima smo razgovarali bile su: ORC Tuzla, bilten, Omladinska grupa ORC Tuzla i aktivizam mladih. TV prilog je objavljen na FTV u subotu, 26. Februara, a svi koji niste stigli da pogledate možete na sljedećem linku:

<https://www.youtube.com/watch?v=CAHFDzwKkI8&feature=youtu.be&t=2m>

PREDSTAVLJAMO MLADE!

Nastavljamo sa predstavljanjem mladih aktivista i volontera iz BiH.



Emina Muranović je rođena u Tuzli, gdje je i završila srednju Medicinsku školu. Ove godine planira upisati medicinski fakultet. Članica je ORC-a od prošle godine. U slobodno vrijeme se bavi volonterskim radom. Pored toga aktivno trenira karate kao takmičar i sudija KK „Forma“ Tuzla.

Sokoli Merita je jedna od osnivačica Omladinske grupe Omladinskog resursnog centra Tuzla. Kroz NVO je prošla mnogo treninga, edukacija i seminara, no smatra da je najviše naučila kroz rad u Omladinskoj grupi. Sokoli Merita je završila Edukacijsko rehabilitacijski fakultet u Tuzli, a trenutno pohađa postdiplomski studij na Edukacijsko rehabilitacijskom fakultetu, na odsjeku Poremećaji u ponašanju. Na osnovu aktivnosti na kojima je radila u Omladinskoj grupi, kao stručnjak može reći da je Omladinska grupa dobar alat za prevenciju ekstrenaliziranih i intrenaliziranih poremećaja u ponašanju kod mladih, ali i za socijalizaciju mladih.



PLANOVI HCA/ORC-A ZA MART 2016.

- Sprovođenje redovnih aktivnosti kroz Omladinsku mrežu BIH;
- Nastavak aktivnosti u okviru Prekogranične građanske mreže za mir, pomirenje i sigurnost ljudi na Balkanu (organizovanje sastanka sa stejholderima, izdavanje publikacije - istraživanja);
- Aktivno učešće u međunarodnoj ALF mreži, održavanje i logistička podrška ALF Mreži Bosne i Hercegovine;
- Radni sastanak u Banja Luci, 22. i 23. Marta, u okviru projekta „Divided past – joint future“. Projekat je podržan od strane Evropske Komisije, a nosilac je Omladinski komunikativni centar - OKC Banja Luka. Više o samom projektu i aktivnostima u našim narednim biltenima, kao i na web stranici mreže.
- Nastavak rada na namicanju sredstava za 2016. godinu.




AKTIVNOSTI ČLANICA OMLADINSKE MREŽE BIH



INSTITUT ZA RAZVOJ MLADIH KULT
Ul. 4. viteške brigade 34-36 BA, 71 210 Ilidža, Sarajevo
E-mail: kult@mladi.org
Tel.: 033 778 778; fax: 033 778 779
Web: www.mladi.org

Institut za razvoj mladih KULT podržao inicijativu Vlade FBiH za subvencioniranje zapošljavanja mladih bez radnog iskustva i samozapošljavanje.



Institut za razvoj mladih KULT, u sklopu inicijative „Poslovni prostor BH“, snažno je podržao inicijativu Vlade FBiH za subvencioniranje zapošljavanja mladih bez radnog iskustva i samozapošljavanje, kao i sve slične inicijative koje za cilj imaju više zaposlenih mladih i, u konačnici, poboljšavanje položaja mladih u našoj zemlji.

Objavljen je Javni poziv za podnošenje zahtjeva za subvenciju za prvo zapošljavanje i samozapošljavanje u skladu sa Uredbom o poticanju zapošljavanja koju je Vlada FBiH donijela krajem 2015. godine. Ova Uredba jedna je od mjera Akcionog plana za realizaciju reformske agende Federacije BiH. Na ovaj način Vlada Federacije BiH nastoji potaknuti zapošljavanje u proizvodnim privrednim subjektima, ali i poduzetničku aktivnost kod uglavnom mladih osoba, te doprinijeti rješavanju problema nezaposlenosti o čijoj ozbiljnosti govori broj od više od pola miliona nezaposlenih u našoj zemlji.

Mjerom se projicira zapošljavanje od oko sedam do osam hiljada osoba, i to zapošljavanjem mladih bez ili sa godinom radnog iskustva i poticanje samozapošljavanja mladih. Radi se o ukupnom iznosu subvencije od 50 miliona KM, odnosno do sada najvišem iznosu koji se izdvaja za poticanje zapošljavanju i samozapošljavanju.

Za očekivati je da će ova mjera imati dobre rezultate, obzirom da se subvencija daje za prvu godinu radnog staža nezaposlene osobe, uz obavezu poslodavca da primljenog uposlenika u radnom odnosu zadrži i narednu godinu bez subvencije, odnosno uz obavezu da za uposlenika plaća platu i doprinose. Time uposlenik ima priliku steći radno iskustvo ali i vrijednim radom i trudom stvoriti priliku za produženje radnog odnosa kod poslodavca. Ono po čemu se ova mjera razlikuje u odnosu na javne pozive poticanja zapošljavanju Federalnog zavoda za zapošljavanje iz prethodnih godina jeste to što su korisnici sredstava poslodavci iz oblasti proizvodnih djelatnosti, a ne djelatnosti iz oblasti trgovine, ugostiteljstva ili priređivanja igara na sreću, niti javna preduzeća i ustanove.

Poslodavac može zaposliti nezaposlene osobe u životnoj dobi od 15 do 30 godina bez radnog staža u zvanju za koji su se obrazovale. Korisnici sredstava za samozapošljavanje su nezaposlene osobe životne dobi od 18 ili više godina koji su registrovali društvo sa ograničenom odgovornošću ili obrt nakon što je Uredba stupila na snagu. Subvencija se daje poslodavcu na ime refundiranja obaveza po osnovu doprinosa na najnižu plaću u FBiH, najniže plaće u FBiH i poreza na dohodak novozaposlenih ili osoba koje se same zapošljavaju.

Institut za razvoj mladih KULT podržao je ovakvu mjeru kao dobar početni korak u kreiranju i realizaciji dugoročnih mjera zapošljavanja mladih. Institut će u budućnosti zagovarati da se po sličnom principu donese Zakon o poticanju zapošljavanja u FBiH. Sve po uzoru na susjednu Hrvatsku koja je 2012. godine donijela ovakav Zakon.

Prijava se vrši podnošenjem zahtjeva na web portalu Federalnog zavoda za zapošljavanje <http://www.fzzz.ba/vijesti/uredba-subvencioniranje-zapoljavanja-mladih-bez-radnog-iskustva-i-samozapoljavanja>. Nakon izvršene elektronske prijave isprintan obrazac zahtjeva sa pratećom dokumentacijom, koja je navedena u obrascu zahtjeva, dostavlja se nadležnoj kantonalnoj službi za zapošljavanje, lično ili putem pošte. Poziv je otvoren do utroška sredstava.

Komunikacija između službenika/ca za mlade mora se unaprijediti

U Sarajevu je početkom februara održana konferencija „Dijalog za jačanje omladinskog sektora u FBiH“. Konferenciju je organizovalo Federalno ministarstvo kulture i sporta pod pokroviteljstvom projekta „Dijalog za budućnost“ kojeg zajednički sprovode UNDP, UNICEF i UNESCO, uz stručnu i tehničku podršku Instituta za razvoj mladih KULT.

Konferenciji su prisustvovali predstavnici izvršne i zakonodavne vlasti; službenici/ce za mlade sa područja cijele Federacije, predstavnici Vijeća mladih FBiH i mladi pojedinci iz cijele FBiH.



Učesnici/e konferencije imali su priliku razmijeniti iskustva, te čuti primjere dobre prakse iz susjedne Hrvatske koje svakako mogu primjenjivati u svom budućem radu.

Tokom konferencije učesnici/e su donijeli sljedeće zaključke:

1. Potrebno je raditi na sistematizaciji radnog mjesta za općinske i kantonalne službenike/ce za mlade
2. Potrebno je unaprijediti komunikaciju između službenika/ca za mlade međusobno ali i sa sektorom za mlade u Federalnom ministarstvu kulture i sporta
3. Uloga službenika za mlade treba na terenu biti predstavljena mladima kroz vannastavne aktivnosti već u završnim razredima osnovne škole i početnim razredima srednje škole
4. Važno je u budućnosti jačati mehanizme za implementaciju Zakona o mladima od općinskog do federalnog nivoa

Detaljni zaključci biti objavljeni i dostavljeni federalnom ministarstvu kulture i sporta, učesnicima/ama i drugim zainteresiranim grupama i pojedincima.

Izmjenama i dopunama Zakona o PDV-u može se pomoći privredi

Okrugli sto „Izmjene i dopune Zakona o PDV-u – uvođenje sistema oporezivanja prema naplaćenim naknadama“ bit će održan 10. marta 2016. godine u Hotelu „Sarajevo“ u Sarajevu.

Cilj održavanja Okruglog stola je prezentovati potrebu za izmjenom Zakona o porezu na dodanu vrijednost u Bosni i Hercegovini, te potaknuti diskusiju između relevantnih aktera radi unapređenja prijedloga izmjene. Na Okruglom stolu učestvovat će predstavnici izvršne i zakonodavne vlasti, privrede, akademskog i nevladinog sektora, te ostalih relevantnih organizacija i institucija.

Okrugli sto bit će organizovan u okviru inicijative “Poslovni prostor BH” koju vodi Institut za razvoj mladih KULT, a koja je dio Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), te koji je podržan od Američke agencije za međunarodni razvoj (USAID).

Uz javni ples u Sarajevu obilježen Narandžasti dan - dan borbe protiv nasilja nad ženama i djevojčicama

Svaki 25. u mjesecu obilježava se kao Narandžasti dan – dan borbe protiv nasilja nad ženama i djevojčicama. Institut za razvoj mladih KULT, uz podršku Ambasade SAD-a u BiH, 25. februara organizovao je javni ples uz flash mob koreografiju profesionalne plesne grupe „Fresh Generation“, kako bi ukazao na problem o kojem se rijetko govori.

Aktivisti i aktivistice Instituta za razvoj mladih i građani plešući su podržali borbu protiv nasilja nad ženama i djevojčicama u BiH, te tako dali svoj doprinos u podizanju svijesti bh. građana o problemu nasilja.

Istraživanje Agencije za ravnopravnost spolova BiH iz 2013. godine pokazalo je da je skoro polovina ispitanih žena do svoje petnaeste godine doživjela barem jedan oblik nasilja.



„To je poražavajuća statistika. Još je alarmantnija činjenica da su posljednja istraživanja pokazala da je problem nasilja u porodici u našoj zemlji u porastu. Zato trebamo o tome stalno govoriti. Trebamo u dugotrajni i složeni proces rješavanja ovog problema uključiti i mlade, te sve druge aktere društva.” – poručila je Mirela Ajanović iz Instituta za razvoj mladih KULT.

Posebnu snagu ovoj inicijativi daje činjenica da se istog dana i na isti simboličan način kampanja protiv nasilja provodi u cijelome svijetu, zahvaljujući Global UNiTE omladinskoj mreži, čija je članica i Institut za razvoj mladih KULT.

Generalni sekretar UN-a proglasio je svaki 25. u mjesecu "Narandžastim danom" (Orange Day), kao dan podsjećanja na važnost prevencije, sprječavanja i sankcionisanja nasilja nad ženama i djevojčicama.



OMLADINSKA ORGANIZACIJA "SVITAC"

Jusufa Čampare bb, 76 100 Brčko Distrikt

Tel./Fax: 049 211 032

Email: svitac@teol.net

Web: www.svitac.org

FB: www.facebook.com/omladinska.svitac

Dnevne radionice

Omladinska organizacija Svitac je u februaru nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Grupe sa mališanima su ovog mjeseca pravile postere sa zimskim temama koristeći vodene i akrilne boje, kao i vatu, ljepilo i kolaž papir. Učesnici dnevnih radionica su takođe pravili figure raznih junaka koje vole, od kartona, koristeći flomastere i bojice, te su napisali i priču o njima. Takođe mlađa i starija grupa su svakog ponedjeljka učili i ponavljali osnove engleskog jezika koristeći radne listove. Starija grupa na engleskom je ponavljala i učila o razlikama gramatičkih tempora i kroz igru vježbala svakodnevni razgovor. Cilj radionica je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugom i usvoje lijepo ponašanje. U februaru je 20 učesnika pohađalo jutarnje kreativne radionice.



Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti (uzrast 8+). Ponedjeljkom je na rasporedu engleski jezik, alfabet, izgovor, i fleš kartice za ponavljanje vokabulara i sastavljanje rečenica. Utorkom kreativno izražavanje na temu zima i zimske radosti i kreativno izražavanje kroz crtanje i slikanje koristeći akrilne boje, flomastere, drvene bojice i kolaž papire. Srijedom je muzička radionica na kojoj učesnici imaju priliku da uče osnove sviranja na trubi, gitari ili klaviru i razvijaju sposobnosti komunikacije i dijaloga na temu ritam, note i razni pravci muzike. Četvrtkom je sportski dan gdje se organizuju razne vrste igara sa loptom, upoznavanja sa osnovama ragbija, karatea i dramske radionice. Grupa je podijeljena u dvije manje i učesnici imaju mogućnost da izaberu sport ili dramu.

Učesnici na dramskoj radionici počinju sa radom na kratkom skeču 'Karius i Baktus'.

Petak je dan za učenje osnova njemačkog jezika kao i za pomaganje u izradi domaće zadaće.

Radionice se održavaju u Omladinskom centru Brčko distrikta. Koordinator radionica u februaru je bila Slađana Bašić, uz asistenciju lokalnih i Weltwaerts i EVS međunarodnih volontera Jonasa Kiesnera, Anne Bonitz i Johanne Weng iz Njemačke, te Isambarda Raynera iz Velike Britanije. Broj učesnika starije grupe je trenutno 15.

Jezičke radionice

Kursevi engleskog i njemačkog jezika su nastavljeni i u februaru. 35 studenata trenutno pohađa ove kurseve i podijeljeni su u tri grupe (Početni 1, Početni 2 za djecu i odrasle i Srednji 1 za djecu).

Svaka grupa ima dva časa sedmično u trajanju od sat i po, a časovi se održavaju u prostorijama Omladinske organizacije Svitac i Omladinskog centra Brčko distrikta. Starost studenata je od 8 do 35 godina.

Muzičke radionice



Početkom ovog mjeseca EVS volonter Isambard Rayner počeo je raditi sa grupom djece (uzrast 8- 12 godina) na uvježbavanju teme iz filma Pink Panther aranžirane za boomwhackerse.

Radionice gitare

Učesnici radionice gitare u februaru su nastavili sa redovnim radom i pohađanjem radionica.



Za mart se planira nastavak svih redovnih radionica Omladinske organizacije Svitac.



H.O. Muslimansko dobrotvorno društvo – MERHAMET DOBOJ

Kralja Aleksandra 17, 74 000 Doboj

Tel./fax: 053 226 886

E-mail: merhamet.doboj@cutuk.net

Web: www.ngo.ba; www.facebook.com/Merhamet-Doboj


- Volonteri „Merhameta“ Doboj su tridesetog januara bili u posjeti Banja Luci. U okviru ovoga, posjetili smo spomenik „12 malih zvjezdica“ /“Dah života“. Posjetu je organizovala NVO „Šesto čulo Doboj“.



- NVO „Šesto čulo Doboj“ implementirala je aktivnost „Posjeta svim Božijim kućama“ u Doboju 3. Februara 2016. Godine, u sklopu aktivnosti „Dan molitve i akcije za djecu i mlade“ u kojoj su učestvovali i volonteri „Merhameta“ Doboj



- Volonteri „Merhameta“ Doboj su 6. Februara učestvovali na radionici na temu „Nasilje nad djecom i mladima“, koju je organizovala NVO „Šesto čulo Doboj“. Tom prilikom uručene su knjige „Dnevnik Ane Frank“ volonterkama „Merhameta“ Aneli Jašarević i Semri Jašarević, koje su napisale sastav na temu „Stop nasilju nad djecom i mladima“, a sastav je u vezi obilježavanja „Dana djeteta i Dana molitve i akcije za djecu i mlade“.



- Predsjednica „Merhameta“ Avdić Faketa prisustvovala je okruglom stolu na temu „Rodno odgovorno budžetiranje na lokalnom nivou“, koji je organizovao Forum žena PDP Doboj u sali Saobraćajnog fakulteta u Doboju, 6. Februara.



- 11.02.2016 godine je u prostorijama „Merhameta“ Doboj održana redovna godišnja Skupština „Merhameta“.



- Damir Školjić, volonter „Merhameta“ učestvovao je u kampanji „One Billion Rising / V-Day Doboj 2016“, koju je organizovala omladinska organizacija „Šesto čulo“ Doboj u KUD-u „Gradina“ Doboj 14.02.2016 godine.



- Podjela humanitarne pomoći za članove „Merhameta“ Doboj.



- Avdić Faketa, predsjednica „Merhameta“ Doboj prisustvovala je sastanku Predsjednika „Merhamet-a“ koji je održan u Banja Luci 17.02.2016 godine.



- Volonteri „Merhameta“ Doboj prisustvovali su sastanku koalicije „Tolerantno i pozitivno iz Doboja“, koji je održan 18.02.2016 godine u prostorijama UG „Topeer“ Doboj.



- Volonteri „Merhameta“ Doboj učestvovali su u kampanji „Zagrlj za Ginisa, zagrlj za rijetke“ koju je za područje RS-a implementirao „Savez za rijetke bolesti RS-a“, a kojoj se priključila i omladinska organizacija „Šesto čulo“ Doboj. Ideja je bila da se „sruši“ Ginisov rekord (108.121) u postavljanju fotografija zagrljaja u online album na <http://www.hugforrare.com/> u vremenskom intervalu od sedam dana (od 21. do 27.02. 2016.). Još jedan od ciljeva ove akcije je da ljudi iz cijele RS saznaju za Savez za rijetke bolesti, da se jave ako imaju dijete koje boluje od neke rijetke bolesti jer Savez pravi registar rijetkih bolesti RS-a, kako bi se pomoglo tim ljudima, jer im je pomoć, što materijalna, što psihološka ili savjetodavna potrebna.





PRONI CENTAR ZA OMLADINSKI RAZVOJ

Mehmedagića 24, 76 100 Brčko distrikt BiH

Tel./Fax: 00 387 49 217 695

E-mail: pronibrcko@teol.net

www.pronibrcko.ba

www.pronibrcko.ba

Include Me / Sastanak stejkholdera i studijska posjeta Briselu



PRONI Centar je partner na projektu: „INCLUDE ME – Creation of the Training Scheme for Prevention of Early School Leaving“, podržanog kroz ERASMUS+ program, a koji realizuje organizacija LIBERO, imao svoja tri predstavnika koji su učestvovali u sastancima i studijskoj posjeti Briselu.

Glavni cilj projekta je da se izgradi kapacitet omladinskih radnika i omladinskih organizacija za stvaranje inovativnih neformalnih metoda obrazovanja koje će pomoći mladima sa slabim uspjehom da ne ispadnu iz formalnog obrazovnog sistema, tržišta rada i društva generalno.

Zainteresovane strane (stejkholderi) u ovom projektu su: omladinski radnici, NFE treneri, profesori, predstavnici preduzeća, tržišta rada, i institucije i organizacije koje se bave unapređenjem vještina i znanja u cilju boljeg zaposlenja.

Cilj studijske posete je da se upoznaju različite institucije i organizacije koje se bave ugroženim mladim ljudima i generalno problemom prijevremenog napuštanja škole, dok je cilj sastanka priprema tema i edukativnih materijala za obuku koji će biti izloženi u onlajn priručniku.

Aktivnosti na projektu se nastavljaju.

"Peaceful life and Cooperation 20 years later"

U Decembru prošle godine naša volonterka Adina Halilović bila je učesnica seminara u Vlasenici održanog u okviru "Peaceful life and Cooperation 20 years later" - projekta Perpetuum mobile - Instituta za razvoj mladih i zajednice iz Banja Luke. Projekat je podržan od strane Ambasade SAD-a u Sarajevu. Seminar je trajao tri dana i okupio je 40 omladinskih radnika, predstavnika 20 omladinskih centara iz 20 opština u BiH. Vlasenica je bila polazna tačka uzbuđljivog putovanja za 40 mladih koji su maksimalno iskoristili tri dana za upoznavanje, razmjenu iskustva i planiranje aktivnosti u narednom periodu. Naime, na seminaru svako od njih je imao zadatak da odabere partnerski omladinski centar s kojim će naredne godine realizovati omladinsku razmjenu. Tako je nastala suradnja NVO Damar iz Visokog i PRONI Centra za omladinski razvoj Brčko.



Od 18 – 21.02.2016.g. volonterka Adina Halilović je bila u posjeti Visokom, gdje su joj volonteri NVO Damar Amina Mihaljević i Suad Hadžimehanović bili domaćini. Pored posjete gradu i volonterima, upoznavanja s njihovim porodicama i svakodnevnim obavezama, naša volonterka je imala priliku i družiti se sa srednjoškolcima iz Visokog kroz interaktivan rad. Uz pomoć volontera domaćina i uposlenika Damar-a , Adina je imala zadatak organizovati radionicu s mladima. Na radionici „Pozitivan imidž“ prisustvovalo je 15 mladih iz Visokog, koji su razmijenili svoja iskustva i mišljenja na teme poput: stereotipa, diskriminacije, predrasuda, komunikacije i građenja pozitivnog imidža i brenda organizacije.

Adina: „Za mene je ovo bilo korisno. S obzirom da me jako zanima ovakav vid rada s mladima, ova radionica mi je donijela jedno novo iskustvo u mom daljem radu i ukazala mi na korake koje trebam napraviti da bi napredovala. Vođeni različitim životnim ciljevima jedni od drugih možemo mnogo naučiti, samo je potrebno da se aktivno slušamo - što je zapravo i cilj projekta, da poveća povjerenje i nivo interkulturalne interakcije među zajednicama i omladinskim radnicima/cama u BiH.“

U Aprilu, Adina i PRONI će biti domaćini volonterima iz Visokog. Zajedno ćemo organizovati radionicu s mladima iz Brčkog i na taj načini nastaviti suradnja i druženje započeto još u Vlasenici.

Mladi iz PRONI-a prisustvovali projektu "3M: Multimedia Multipliers from the Margins"

Ovogodišnji projekat na kojem su učestvovali mladi iz čak 12 evropskih država obilježio je puno saradnje, zalaganja ali i konkretnog rada, koji je podrazumijevao da se otvoreno priča o problemima ljudi koji žive na marginama društva, projekat "3M Multimedia, multiplikatori sa margine" sa organizacijom u Beogradu je bio jedno veliko iskustvo za sve one koji su bili dio istog.

Kroz video i foto priče članovi su željeli ukazati na probleme sa kojima se društveno marginalizovani ljudi sreću, diskriminacijama sa kojim se bore cijeli svoj život, ali su se tražila i rješenja koja bi barem malo ovim ljudima uljepšala svakodnevicu.

Ljudi sa svih strana radili su prvenstveno svojim srcem, a tek onda sa svojim fotoaparatom, među tih 12 zemalja bili su i mladi iz NVO „PRONI“ , Harun i Safet.

Partnerski projekat organizacija koji rade sa mladima je podržan kroz ERASMUS+ program. 7 dana aktivnog zalaganja i izložba kao finalni dio realizacije projekta su protekli u jako dobrom raspoloženju a tu je i [video](#) kao i par fotki da dočaraju dio atmosfere.





VIJEĆE MLADIH OPĆINE TOMISLAVGRAD

Kralja Zvonimira bb, 80 240 Tomislavgrad

Tel.: 034 356 440, fax: 034 356 444

E-mail: vijecemladih.tg@gmail.com

Vijeće mladih općine Tomislavgrad je 26. veljače 2016. godine, u zgradi Općine Tomislavgrad, organiziralo radionicu na temu: „Izrada Strategije za mlade općine Tomislavgrad“.

Radionica je organizirana kao dio projekta razmjene između centara za mlade u Bosni i Hercegovini pod nazivom: "Peaceful life and Cooperation 20 years later", Instituta Perpetuum mobile iz Banja Luke, kao nositelja projekta.

Sam projekat ima za cilj povećati povjerenje i razinu interkulturalne interakcije među zajednicama i radnicama i radnicima koji rade s mladima u Bosni i Hercegovini.

Radionici su nazočili predstavnici Vijeća učenika Gimnazije Marka Marulića i Srednje strukovne škole u Tomislavgradu, kao i mladi aktivisti sa područja općine Tomislavgrad. Radionici su nazočili i gosti, radnice i radnici koji rade s mladima iz centra za mlade "Derbent" iz Dervente. Projekt podržava Veleposlanstvo SAD-a u Sarajevu.

Više na našoj web stranici: www.vijecemladih-tg.com





ASOCIJACIJA SREDNJOŠKOLACA U BOSNI I HERCEGOVINI

Adresa: Mula Mustafe Bašeskije br. 7, 71 000 Sarajevo

Tel/fax: 033 205 850

e-mail: asubih@yahoo.com

web: www.asubih.ba

“Lakše je u dvoje 1”

Nakon određenog perioda članovi LT Srebrenik i LT Tuzla ponovo su se okupili u prostorijama JU MSŠ Srebrenik. Nakon iscrpne analize glavnih problema u lokalnim zajednicama, razgovarali su o tome kako informisati i uključiti druge u proces rješavanja istih.



Zbog toga su odlučili u narednom periodu održati još radionica u prisustvu profesora. Kroz debatu i diskusija na području Tuzle i Srebrenika, sve u cilju da bi što više srednjoškolaca iz ovih lokalnih zajednica bilo upoznato sa trenutnom situacijom i problemima u kojima se nalaze. Složili su se da je njihov zajednički cilj podstaknuti što više srednjoškolaca da postanu aktivni u svojim lokalnim zajednicama.

“Lakše je u dvoje 2”

U četvrtak 11. februara u prostorijama Međunarodne srednje škole u Tuzli održana je ASuBiH radionica pod vođstvom Amile Bričić, alumni člana ASuBiH-a. Članovi su diskutovali o problemima srednjoškolaca, te o rješenjima koja će sprovesti Lokalni tim Tuzla.



Fokus je bačen na nedostatak praktične nastave u školama i odnose i obaveze učenika i profesora. Članovi su se podijelili u grupe i pred svima predstavljali potencijalne mjere koje bi poduzeli za razrješenje već pomenutih problema. U sljedećem periodu, Lokalni tim Tuzla će aktivno raditi na implementiranju svojih ideja kroz nadolazeće projekte.

“Ljubav na sceni”

Nakon pet mjeseci intenzivnog rada, lokalni tim Istočno Sarajevo, za sve stanovnike istoimenog grada, odlučio je organizovati ugodni kulturni program. Kako 14. februar simboliše dan zaljubljenih, njihov koncert nosio je naziv „Ljubav na sceni“. Svoje mjesto na listi izvođača zauzeli su hor i vokalno-instrumentalna sekcija Srednjoškolskog centra „Istočna Ilidža“ koji su izveli niz višeglasnih kompozicija.




Cilj aktivnosti bila je promocija muzički talentovanih omladinaca našeg grada, ali ujedno i stvaranje prilike za posjećivanje neke kulturne manifestacije.

Podršku u realizaciji ove aktivnosti dobili su od Caffe bara Maxi, a samom koncertu prisustvovali su predstavnici Omladinskog savjeta Istočna Ilidža.

"ZOOM"

Cilj projekta “Zoom” jeste da mladima “zumira” tj. približi i upozna mlade kakva sve prava i obaveze imaju u Goraždu.

Projekat je podržala fondacija SHL-a (Schuler Helfen Leben). U sklopu ovog projekta organizovali su niz aktivnosti koje će pomoći mladima da se upoznaju sa svojim pravima i obavezama.



U maloj sali CZK organizovan je okrugli sto i otvoreni dijalog sa mladima, udruženjima mladih, općinskim i kantonalnim dužnosnicima čiji su poslovi povezani sa mladima.

Također izradili su transparent koji je postavljen na Mostu Alije Izetbegovića te info-kviz na ulici, postavljene su poruke po vidnim mjestima u gradu na kojima su istaknute riječ “MLADI – UZMITE ŠTA VAM TREBA” a ispod toga data priliku mladima da uzmu papirić sa pravima koja imaju.

Pored svih ovih aktivnosti u planu je i izvedba predstave za mlade koja će na slikovit način predstaviti stanje u kojem se nalaze mladi, a uključiti će dosta mladih ljudi u realizaciju iste.

“Youth Indoor Soccer Cup”



Drugu godinu zaredom, Asocijacija srednjoškola u Bosni i Hercegovini, u saradnji sa CIMIC Austrija koji djeluju pri EUFOR-ovoj misiji u Bosni i Hercegovini, organizovala je turnir u malom nogometu pod nazivom “Youth Indoor Soccer Cup”.

Domaćini kvalifikacionih turnira su Sarajevo, Tuzla, Bratunac i Brčko.


U Sarajevu su učestvovala 4 multietničke ekipe pune entuzijazma. Pobjedila je ekipa “Albatrosi”, sa dobivenim maksimalnim brojem bodova, iako je konkurencija bila teška. Na turniru u Brčkom učestvovalo je 6 ekipa iz sve četiri srednje škole. Pobjednici ovog kvalifikacionog turnira bili su učenici JU Ekonomske škole Brčko. Tuzla, učestvovala su ukupno četiri ekipe: Salinas, Partizan, Top, te ekipa Behram-begove medrese, koja

je ubjedljivom gol razlikom i sa svim pobjedama proglašena pobjednikom kvalifikacija. I za kraj Bratunac, gdje su učestvovala takođe 4 ekipe, gdje su pobjedu odnijeli momci iz ekipe "FK Bratstvo".

Dana 15.02.2016. godine u dvorani Ramiz Salčin, u Sarajevu, odigrano je finale multietničkog malonogometnog turnira koji je realizovan u suradnji ASuBiH-a i CIMIC-a na kojem je pobjedu odnijela ekipa Behram Begove Medrese, iz Tuzle. Osnovni kriterij za učešće na turniru bilo je to da svaku ekipu sačinjavaju srednjoškolci svih nacija sa ciljem otklanjanja međunacionalnih podijeljenosti među mladima.

Ovaj turnir privukao je veliki broj mladih, što igrača tako i volontera, kao i veliki broj učenika koji su bodrili igrače. Profesori koji su sa svojim učenicima prisustvovali ovom turniru su dodali da je pohvalno vidjeti veliki broj omladine zainteresovan za organizovanje ovakvih događanja, ali i za učešće na njima.





ANESA HIDIĆ, član Omladinske mreže, pojedinac
OMLADINSKI KRUG KLADANJ
 E-mail: anesahidic@hotmail.com

Predstavljanje zbirke poezije „Odškrinuta vrata“ autorice Ifete Hrnjić

23.2.2016 godine je u sali Biblioteke „Derviš Sušić“ upriličeno predstavljanje zbirke poezije „Odškrinuta vrata“ autorice Ifete Hrnjić iz Kladnja. O knjizi su govorile Nevzeta Rustemović, profesorica filozofije, Nevzeta Habibović, profesorica bosanskog jezika i književnosti, dok se u ulozi moderatorice našla mr.sc.Enisa Žunić. Za muzički dio programa zadužen je bio mladi Osman Hrnjić.



Promocija PRO-Active fonda 2016

20.02.2016 godine je u Kladnju održana promocija PRO-Active fonda 2016 - fonda za projektne aktivnosti koje doprinose izgradnji pomirenja i povjerenja među različitim etničkim/nacionalnim grupama u Bosni i Hercegovini. Ovo je treći po redu poziv za mlade aktiviste u okviru PRO-Budućnost projekta i buduće nosioce procesa pomirenja koji uče o drugom i drugačijem, te na taj način postaju uzor u svojoj okolini.



Organizovana akcija dobrovoljnog davanja krvi

U Mješovitoj srednjoj školi „Musa Ćazim Ćatić“, Crveni križ općine Kladanj u saradnji sa Poliklinikom za transfuziologiju UKC-a Tuzla organizovao je akciju dobrovoljnog darivanja krvi.



Godišnji koncert KUD-a Mladost

Članovi kulturno umjetničkog društva „Mladost“ Kladanj 06.02.2016 su u Domu kulture povodom proslave četvrte godišnjice rada održali koncert.



STARA DŽAMIJA KOD KLADNJA PROGLAŠENA NACIONALNIM SPOMENIKOM BIH



Komisija za očuvanje nacionalnih spomenika BiH na posljednjoj sjednici održanoj od 1. do 3. februara ove godine donijela je odluku o proglašenju novih devet dobara nacionalnim spomenicima BiH. Među njima je i historijska građevina Čamdžića kuća u Puračiću, u općini Lukavac, te Stara džamija kod Kladnja.



LJUBICA MLADENOVIĆ

Referent za mlade

GRADSKA UPRAVA BIJE LJINA

E-mail: ljubica.mladjenovic@gmail.com



UG "Cool" organizovala je humanitarnu akciju u centru Bijeljine, kako bi se prikupila novčana sredstva potrebna za liječenje Mateje Raičić (6) iz Dervente koja boluje od leukemije. Humanitarna akcija trajala je od 12. Do 15. februara, a predvodila ju je Dragana Lukić, učenica JU Gimnazije „Filip Višnjić“ i volonter ove organizacije, koja je osmislila cijeli kreativni plan kako uljepšati nekome Dan zaljubljenih, a pritom skupiti novac potreban za liječenje. Na gradskom trgu je bila izložena drvena konstrukcija koja predstavlja zid pod naslov „Wall of love“. Dan zaljubljenih je dan kada ljudi žele pokazati svijetu i voljenoj osobi koliko im ta posebna osoba znači. Takođe je predviđena i prodaja ljubavnih kartica i čestitki za Dan zaljubljenih, te čokoladnog kolača „Love souffle“. Cijena kartica je bila 2,00 KM, a kolača 2,50 KM.

U gradskom parku u Bijeljini najmlađi sugrađani bili su u prilici da se druže i dobro zabave sa glumcima iz UG "Ubuntu".

Kostimirani u poznate likove dječijih crtanih junaka, članovi Udruženja priredili su djeci iz vrtića "Čika Jova Zmaj" i drugim mališanima dobru jednočasovnu zabavu ispunjenu igrom i pjesmom. Naši najmlađi sugrađani imali su priliku da se "lično upoznaju" sa Mašom i Medom i Duškom Dugouškom. Klinci su uživali u druženju, a maske koje su iscrtane na njihovim licima su ih oduševile. Ovo je nastavak akcije "U susret praznicima djeci Grada". Gradska uprava Bijeljina podržava svaki oblik organizovanja mladih i djece, a ujedno pruža i svu potrebnu pomoć u organizaciji sličnih akcija, naveli su u Odjeljenju za društvene djelatnosti grada Bijeljine.



NOVI ČLANOVI



Udruženje oboljelih od šećerne bolesti
„Novi život“
Tomislavgrad

UDRUŽENJE OBOLJELIH OD ŠEĆERNE BOLESTI „NOVI ŽIVOT“

Bana Kulina 40, 80 240 Tomislavgrad

Tel.: 034 353 006, 063 158 142

E-mail: dijabetesnovizivottomgr@gmail.com

✚ GLAVNI PROGRAMSKI CILJEVI:

Ustrojavanje stalne evidencije o oboljelim članovima Udruženja sa svim relevantnim pokazateljima na temelju kojih će se utvrditi socijalni status svakog pojedinog člana. Suradnja sa zdravstvenim ustanovama i specijalistima s ciljem ranijeg otkrivanja šećerne bolesti, ostvarivanje kontakta s ljekarnama, farmaceutskim kućama, gospodarskim i trgovačkim organizacijama, te humanitarnim i drugim organizacijama s ciljem blagovremenog i kontinuiranog snabdijevanja potrebnim lijekovima i dijetalnim proizvodima kao i druge djelatnosti. Povezivanje sa udruženjima na području BiH i šire. I druge djelatnosti u skladu sa zakonom i Statutom Udruženja.

✚ AKTIVNOSTI I KRATAK ISTORIJA ORGANIZACIJE:

- Obilježavanje Svjetskog dana dijabetičara 14.11.2014. – 2015. besplatno mjerenje šećera i krvnog pritiska za sve građane i dodjela promo materijala, aparata i trakica za ugrožene dijabetičare.
- Posebno za mlade: Rano otkrivanje dijabetesa, radimo kod učenika od prvog do osmog razreda Osnovne škole „Ivana Mažuranića“, Tomislavgrad. U akciji je sudjelovalo 120 učenika, a održana je u prostorijama ove škole u Tomislavgradu. Tijekom mjerenja otkriveno je povećanje šećera u krvi kod sedam učenika. Ovo je prva akcija koja je pokrenuta kod najmlađe populacije. O svemu su prethodno upoznati roditelji i resorno županijsko ministarstvo koji su dali suglasnost na njenu provedbu. Sva djeca kod kojih je uočena povećana razina šećera u krvi bit će upućeni na pregled u tomislavgradski Dom zdravlja
- Planiramo osnivanje savjetovališta za dijabetičare kojeg nema u Domu Zdravlja u Tomislavgradu.
- Radionice predavanja zdrava ishrana, koje će održavati nutricionisti.

✚ KONTAKT OSOBE ZA ZASTUPANJE ORGANIZACIJE:

- Đula Kozarić, predsjednica
- Snježana Kajtaž, asistent



KOLUMNA: Mladi pišu



Za Bilten piše:

Slobodan Blagovčanin

Koordinator Omladinske grupe ORC-a

slobodanblagovcanin@yahoo.com

✚ ŽIVJETI ILI PREŽIVLJAVATI U BiH

Ne tako davno, dok sam bio "mlad i glup", radovao sam se malim stvarima. Malim stvarima poput npr. mog rođendana. Piih kako je tad bilo „cool“ stariti. U principu i sada je „cool“ stariti, naravno ukoliko ne živiš u pokušaju od države zvanom Bosna i Hercegovina.

Kada me neko pita da mu opišem Bosnu i Hercegovinu, kažem da je to država koju jedni ne vole, drugi ne priznaju, a treći se tripuju da je vole dok na svakom koraku negiraju zastavu koja je jučer proslavila svoje punoljetstvo i sporadično je u naletu kvazipatriotizma okrenu naopako.



(Patriote se popele na vrh Maglića i u naletu patriotizma okrenule zastavu naopačke)

Kažu da nas tri ili četiri, a možda i pet miliona ima sreću da živi u ovoj rupi od države. Ostali nemaju tu sreću ali nemaju ni potrebu čekati par godina na rezultate popisa stanovništva. Da stvar bude bolja, kad govorimo o popisu stanovništva, afirmativno je da smo u potpunosti isti kao Australija. Ruku na srce, u Australiji kada prave popis ovaca rezultati budu nešto brži, ali ono što je pohvalno - ipak pratimo trendove.



Kad već BiH poredimo sa ostalim državama svijeta, ne možemo a da se ne dotaknemo teme obrazovanja. Naime država sa vjerovatno najvećim brojem ministara kvaziobrazovanja (minimum 10 dojučerašnjih šalteruša i stranački pogodnih šofera) ove godine na rang listi "Cybermetrics Lab-a" kotira se izuzetno visoko među svjetskim univerzitetima. Primjera radi, Univerzitet u Sarajevu (naš ponos i dika) zauzima izuzetno 1850. mjesto, Univerzitet pokraj KP doma u Zenici je 3514., dok je Univerzitet u Tuzli na visokom 3789. mjestu.

Tuga, čemer i jad. Naročito kada znamo da ne postoji nijedan Univerzitet u susjednim državama koji se lošije kotira od našeg najboljeg.



Korupcija i nepotizam u društvu su toliko ukorijenjeni da gotovo više i ne obraćamo pažnju na njih. Najnormalnije se u bolnicu ide sa kesom pića, dijete kad se rodi red je počastiti i doktora i babicu i svo propratno osoblje koje sretnete od čistačice do domara, saobraćajni policajci više ne kriju da platu ne podižu sa banke i da imaju svoju privatnu tarifu za pojas, prekoračenje brzine i vožnju u alkoholisanom stanju.

Tuga, čemer i jad. Naročito kada znamo da su građani BiH svjesni saučesnici u ovom zločinu.

Da nije sve tako strašno govori i podatak da smo apsolutni šampion po nezaposlenosti mladih u regiji, a borbu za prvo mjesto u Evropi svake godine izmjenjujemo sa neprikosnovenom Moldavijom. Strašni Moldavci su ove godine negdje na 60 procenata nezaposlenosti, tik 2 do 3 procenta ispred nas. U svakom slučaju ovo ne treba da nas plaši, jer ako ovim tempom nastavimo prestići ćemo ih i učvrstiti se na prvom mjestu.

Lijepa vijest je i da onedavno naši mladi mogu svoju sreću da potraže i koju kintu zarade u raznim radikalnim pokretima. Od ove godine primat uzima sve popularniji vehabijski pokret, pa tako prema nekim navodima možete inkasirati čitavih 500 eura u mjesečni budžet. Nakon par mjeseci, na radost svih nas neutralnih ljevičara, dobiti zaslužen godišnji odmor na nekim od popularnih turističkih destinacija poput Sirije, Iraka ili u najgorem slučaju Afganistana.

Sva satira treba da ode na stranu, kada skapiram da nam je država u tolikom defektu da mladi uopšte i mogu da pomisle da im je jedina sreća da tamo negdje uzvikuju "Bog je veliki" i raznose se kakvim sve ne sredstvima za te prilike.

Tuga, čemer i jad. Naročito kad znam da im je lakše da se raznesu bombom pod zastavom bilo kojeg Boga, nego da se bore za promjene u svojoj državi.

Elem, tu je još toliko besmislenih stvari u ovoj državi da bi mi trebalo još 3 ovakva teksta da ih samo nabrojim, a prolazi još jedan moj rođendan, a u meni nikad glasnije pitanje "Da li pobjeći odavde i zašto da".

Bosno moja pređi na drugoga, a i ti Hercegovino!

El studente

SAOPŠTENJA / INFORMACIJE / DONATORI / POZIVI

1. Mostar: Otvoreni javni natječaj za financiranje studentskih projekata

Rok prijave 15.03.2016

Studentski zbor Sveučilišta u Mostaru raspisuje natječaj za financiranje projekata koji:

- su od značaja za studente, Sveučilište i društvo
- doprinose kvaliteti studentskog standarda
- promiču Zbor i Sveučilište.

Pravo sudjelovanja na natječaju imaju:

- studenti Sveučilišta u Mostaru
- podružnice Studentskog zbora na ustrojbenim jedinicama
- studentske udruge
- skupine studenata koji djeluju na sveučilišnoj razini.

Studentski zbor neće financirati:

- nabavu nastavne opreme i pomagala
- odlazak na stručne i športske događaje u okviru nastave (terenska nastava i sl.)
- projekte pristigle izvan roka propisanog u ovom natječaju
- projekte s nepotpunom dokumentacijom
- projekte podnesene od strane pojedinaca ili udruga izvan Sveučilišta.

Pri aplikaciji je obavezno priložiti:

- obrazac A1 za pojedince ili obrazac A2 za udruge; obrazac B i obrazac C (preuzeti sa službenih web stranica Studentskog zbora, www.studentskizbor.ba/dokumenti),
- presliku prve stranice indeksa koordinatora projekta / predsjednika Udruge,
- potvrda o registraciji udruge,
- studenti pojedinci kratki životopis, a udruge program djelovanja,
- ukoliko je projekt ranije finansiran od strane Zbora, sve članke, video ili zvukovne zapise, slike, potvrde, račune koji pokrivaju troškove stavki aplicirane u projektu
- Evaluacija prethodnih projekata financiranih od strane Studentskog zbora

Uz obavezne dokumente dozvoljeno je priložiti sve što može ići u korist prepoznavnja projekta.

Studentski zbor nije obavezan financirati prijavljene projekte.

Natječaj je otvoren od 15.2.2016. do 15.3.2016. do 23.59h

Aplikacije je potrebno dostaviti u Ured Studentskog Zbora u navedenom periodu (od 9:00 do 13:00) te poslati kopiju u elektronskom obliku na mail projekti2016.sz@gmail.com.

Privremeni i konačni rezultati bit će objavljeni na službenim web stranicama Zbora www.studentskizbor.ba.

Koordinator projekta može izjaviti žalbu na privremene rezultate Natječaja u roku od 5 radnih dana od objave putem e-maila.

Dodatne napomene:

- Programi koji ostvare pravo na potporu obavezuju se istaknuti logo Studentskog zbora tijekom provedbe programa na za to predviđenim mjestima
- Studentski zbor zadržava pravo sudjelovati u medijskoj prezentaciji programa
- Studentski zbor zadržava pravo da tijekom akademske godine u kojoj dodjeljuje financijska sredstva potraži pomoć od aplikanata čiji su projekti financirani u vidu volontiranja na aktivnostima/projektima Studentskog zbora
- Za sve situacije koje odstupaju od natječaja, potrebno je navesti obrazloženje.
- Programi bez zahtijevanih podataka i potpune dokumentacije neće se uzimati u obzir

- Po završetku projekta, svi nositelji aplikacije dužni su podnijeti izvještaj u pismenom obliku 10 dana od završetka projekta.

Službeni dokument o pravilima natječaja za financiranje studentskih projekata.

Izvor: <http://www.hocu.ba/index.php/hocu.priliku/mostar-otvoreni-javni-natjecaj-za-financiranje-studentskih-projekata/>

2. Fondacija za osnaživanje žena

Fondacija za osnaživanje žena je nezavisna i neprofitna fondacija sa sjedištem u Bosni i Hercegovini koja je posvećena pružanju podrške inicijativama ženskih organizacija civilnog društva (OCD) koje promovišu ženska ljudska prava, osnaživanje žena i ravnopravnosti spolova.

Fondacija za osnaživanje žena je počela sa radom početkom 2014. godine.

Ciljevi i aktivnosti Fondacije za osnaživanje žena:

- dodjeljuje male grantove podrške ženama, ženskim lokalnim organizacijama civilnog društva i ženskim neformalnim grupama koji su usmjereni na osnaživanje žena i unapređenje u oblastima ženskih ljudskih prava;
- pruža stručne savjetodavne i duge usluge ženama i ženskim lokalnim organizacijama civilnog društva u razvoju i izgradnji njihovih kapaciteta, znanja i vještina;
- pruža podršku ženama i ženskim lokalnim organizacijama civilnog društva, u razvoju projektnih aplikacija i namicanju finansijskih sredstava;
- pruža podršku u procesima umrežavanja ženama i ženskim lokalnim organizacijama civilnog društva i povezivanja srodnih inicijativa;
- pomaže razmjenu ženskog aktivističkoga i akademskog iskustva kroz podršku u istraživanju i objavljivanju, kao i za organizovanje konferencija, diskusija i edukativnih programa;
- sudjeluje u realizaciji projekata i aktivnosti drugih inicijativa koje pomažu poboljšanju položaja i osnaživanju žena;
- ostvaruje saradnju i partnerstva sa donatorima, relevantnim vladinim institucijama, i srodnim organizacijama civilnog društva;
- prikuplja sredstva iz doprinosa dobrovoljnih priloga, darova, donacija, pomoći od pravnih i privatnih subjekata i drugih organizacija iz zemlje i inostranstva;
- pruža podršku domaćim i stranim donatorima u svrhu distribucije finansijskih i drugih sredstava kao vid podrške osnaživanju žena i ženskih lokalnih organizacija civilnog društva.

Fondacija za osnaživanje žena raste i radi na razvoju sistema kako bi proširila svoje sisteme za obezbjeđivanje grantova, kako bi poboljšala svoja partnerstva i pružila dodatnu podršku ženskim lokalnim organizacijama civilnog društva u Bosni i Hercegovini.

Vrste grantova:

FOND SOLIDARNOSTI

Fond solidarnosti (do \$5.000 USD) za inicijative vezane za podršku i potrebe žena u područjima zahvaćenim katastrofalnim poplavama, kao i druge inicijative koje imaju potencijal da doprinesu boljem životu žena u Bosni i Hercegovini.

FOND ZA ORGANIZACIJSKI RAZVOJ

Fond za organizacijski razvoj (do \$9.000 USD po godini) za manje razvijene ženske organizacije civilnog društva iz Bosne i Hercegovine čiji je godišnji budžet manji od 25,000 USD.

Ženske organizacije civilnog društva mogu poslati prijedlog projekta za :

- Organizacijski razvoj organizacije;
- Projekte koji su već u toku ili nove inicijative koje uključuju osnaživanje žena i ženska prava;

- Aktivnosti vezane za izgradnju kapaciteta ciljanih grupa ili razvoj strategija za osnaživanje žena koje bi dovele do pozitivnih promjena za žene i djevojke u njihovim zajednicama.

FOND ZA PODRŠKU ŽENSKOG POKRETA

Fond za podršku ženskog pokreta (do \$10.000 USD po projektu/inicijativi) za podršku projektima i inicijativama ženskih organizacija civilnog društva, mrežama i koalicijama za sljedeće aktivnosti:

- zalaganje za pitanja koja imaju uticaj na ostvarivanje ženskih prava;
- sastanke, seminare i konferencije u cilju poboljšanja saradnje i kooperacije;
- umrežavanje u osnaživanju ženskog pokreta.

FOND ZA ŽENSKIE INICIJATIVE

Fond za ženske inicijative (do \$40.000 USD) za podršku projektima koji se odnose na:

- Osnaživanje ženskih organizacija civilnog društva u razvoju strategija i zagovaranja za ekonomska, društvena i kulturna prava;
- Podrška pri razmatranju strategija za buduće aktivnosti ženskih organizacija;
- Kreiranje akademske, stručne i aktivističke baze po pitanjima i strategijama koje se odnose na ženska ljudska prava i rodnu ravnopravnost;
- Razmjena iskustava u vezi poslijeratne obnove, kao i izazovi pri radu u okviru mirovnog sporazuma;

Umrežavanje i razvoj politika u oblasti UNSCR 1325.

SUFINANSIRAJUĆI FOND

Sufinansirajući fond (do \$2.000 USD) za ženske organizacije civilnog društva kojima je potrebno sufinansiranje (učešće) koje je zahtijevano od potencijalnoga donatora u implementaciji projekta ili inicijativa. Fondacija može sufinancirati samo projekte i inicijative ukoliko su aktivnosti vezane isključivo za osnaživanje žena, ženska ljudska prava i rodnu ravnopravnost.

URGENTNI FOND

Urgentni fond (do \$500 USD) za inicijative koje zahtijevaju hitnu intervenciju i odgovor u slučaju kršenja prava žena, a koje imaju potencijal da doprinesu poštivanju ženskih ljudskih prava.

Više informacija: <http://www.fwebih.org/>

3. Program transnacionalne suradnje INTERREG ADRION – Prvi poziv na dostavu projektnih prijedloga

Vrsta natječaja: Bespovratna sredstva

Država: Hrvatska, Srbija, BiH, Crna Gora, Albanija

Tema/sektor: Prekogranična suradnja

Datum otvaranja natječaja: 01.02.2016.

Rok za prijavu: 25.03.2016.

Iznosi sredstava €: 99.156.616

Aplikanti: Tijela državne uprave izuzev Vlade i ministarstava, Jedinice lokalne i područne (regionalne) samouprave, Mala i srednja poduzeća, Velika poduzeća, Instituti, Fakulteti, Ministarstva, Razvojne agencije, Klasteri, Ustanove, Ostalo

Natječajna dokumentacija: [Preuzmite datoteku](#)

Opći cilj Programa transnacionalne suradnje Interreg Adrion je putem inovativnih politika i upravljačkih procesa osnažiti europske integracije među partnerskim državama te korištenjem bogatih prirodnih, kulturnih i ljudskih resursa u okruženju Jadranskog i Jonskog mora povećati ekonomsku, socijalnu i teritorijalnu koheziju Programskog područja. Programski dokument (Interreg V-B Adriatic-Ionian Cooperation Programme) usvojen od strane Europske komisije 20. listopada 2015. godine predstavlja pravnu osnovu ovog poziva na dostavu projektnih prijedloga.

Specifični ciljevi Programa podijeljeni su kroz tri prioriteta:

Prioritet 1. Inovativna i Pametna regija: Podržati razvoj regionalnog inovacijskog sustava za Jadransko-jonsko područje.

Prioritet 2. Održiva regija: Promovirati održivu valorizaciju i očuvanje prirodnih i kulturnih dobara u Jadransko-jonskom području; Povećati kapacitete u transnacionalnom rješavanju ranjivosti okoliša, fragmentaciji i očuvanju ekosustava u Jadransko-jonskom području.

Prioritet 3. Povezana regija: Povećati kapacitet za integrirani prijevoz i usluge mobilnosti i multimodalnosti u Jadransko-jonskom području.

Prihvatljivi aplikanti su javne i privatne organizacije sa sjedištem u Jadranskoj i jonskoj regiji. U Programu transnacionalne suradnje Interreg Adrion sudjeluju četiri države članica Europske unije: Grčka, Hrvatska, Italija i Slovenija te četiri IPA države: Albanija, Bosna i Hercegovina, Crna Gora i Srbija.

Prihvatljive aktivnosti trebaju rezultirati sljedećim outputima:

- Umrežavanje
- Zajednički sustavi upravljanja i sporazumi o suradnji
- Strategije i akcijski planovi
- Metode i alati
- Pilot - aktivnosti (projekti malih razmjera ulaganja i demonstracijski projekti)

Ukupan budžet programa (bez nacionalnog sufinanciranja) iznosi 99.156.616,00 EUR, od čega će se iz Europskog fonda za regionalni razvoj (EFRR) financirati 83.467.729,00 EUR, a iz Instrumenta pretprijetne pomoći (IPA) 15.688.887,00 EUR.

Rok za prijavu na Poziv je 25. ožujka 2016. do 17:00 (CET). Projektni prijedlozi dostavljaju se na engleskom jeziku putem elektronskog sustava za praćenje (e-MS) dostupnom na www.interregadrion.eu.

Ukoliko su vam potrebne konzultantske usluge za ovaj natječaj javite se na

info@eu-projekti.com.

Izvor: <http://www.eu-projekti.info/natjecaji/program-transnacionalne-suradnje-interreg-adrion-objavljen-prvi-poziv-na-dostavu-projektnih-prijedloga>

4. Poziv za podnošenje projektnih prijedloga unutar IPA Adriatic CBC programa: „Targeted Call on EUSAIR“

Vrsta natječaja: Bespovratna sredstva

Država: Hrvatska, BiH, Crna Gora, Albanija

Tema/sektor: Prekogranična suradnja

Datum otvaranja natječaja: 11.02.2016.

Rok za prijavu: 11.03.2016.

Iznosi sredstava €: 6.166.812

Aplikanti: Tijela državne uprave izuzev Vlade i ministarstava, Mala i srednja poduzeća, Velika poduzeća, Ostalo

Natječajna dokumentacija: [Preuzmite datoteku](#)

U okviru IPA programa Jadranske prekogranične suradnje 2007.-2013., objavljen je poziv za podnošenje projektnih prijedloga pod nazivom „Targeted Call on EUSAIR“.

Opći ciljevi poziva odnose se na doprinos postizanju EUSAIR ciljeva u skladu s 4 stupu, koji se podudaraju s najmanje jednim prioritetom Programa IPA jadranske prekogranične suradnje; iskorištavanje rezultata postignutih od prethodno odobrenih projekata financiranih u okviru IPA Programa jadranske prekogranične suradnje s ciljem promoviranja provedbe aktivnosti koje su definirane u svakom EUSAIR stupu; povećanje dugoročnog utjecaja prekogranične suradnje kroz razmjenu i prijenos ostvarenih proizvoda.

Prihvatljivi aplikanti i partneri su države članice NUTS 3 regije (Hrvatska, Grčka, Italija i Slovenija) i ekvivalentne regije država kandidatkinje i zemalja potencijalnih kandidatkinja na području Jadranskog mora (Albanija, Bosna i Hercegovina i Crna Gora).

Napominjemo da su u okviru ovog poziva prihvatljivi isključivo javna tijela i privatne organizacije koji su već financirani u okviru prvog, drugog i strateškog poziva programa IPA Jadranska prekogranična saradnja 2007.-2013.

Ukupan budžet u IPA fondovima za ovaj poziv iznosi otprilike **6.166.812,43 eura**. **Najmanji** iznos sredstava koji se može dodijeliti po projektu je **500.000,00 eura**, a **najveći 1.200.000,00 eura**, sa stopom pred financiranja od **30%**.

Rok za dostavu projektnih prijava, Zajedničkom tehničkom tajništvu IPA programa Jadranske prekogranične suradnje 2007.-2013., je najkasnije do 11. ožujka 2016. godine, do 21:00 sat po talijanskom vremenu.

Ukoliko su vam potrebne konzultantske usluge za ovaj natječaj javite se na: **info@eu-projekti.com**

Izvor: <http://www.eu-projekti.info/natjecaji/poziv-za-podnosenje-projektnih-prijedloga-unutar-ipa-adriatic-cbc-programa-targeted-call-on-eusair>

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

WEB stranica Mreže:
www.omladina-bih.net

Mejling lista Mreže:
posta@omladina-bih.net

sCh design

Webmaster:
Emir Delalić-Zeko - Tuzla
emir.delalic@gmail.com

Adrese za slanje vaših informacija za mjesečni bilten:

Omladinski resursni centar Tuzla
Hadži Bakirbega Tuzlića 1,
75000 Tuzla
tel / fax: 035 258 077
e-mail: orctuzla@bih.net.ba
hcatuzla@bih.net.ba

Mjesečni bilten uređuje Omladinski resursni centar - ORC Tuzla
